

工業常識，他日此數十萬僑胞聯袂歸來，爲宗邦効力，則祖國實業前途之發展，民權之進步，又豈有限量？惟在諸君努力而已。刻汪君精衛，李君石曾，皆先後至法；二君皆素富民主精神，留法甚久，於法國情形，甚爲詳悉。且對於在法僑胞，亦欲爲之設法團結。一切辦法，望足下就近與二君接洽，則集思廣益，必有以慰足下之熱忱也。重洋迢遞，惟爲國努力！此覆。並頌
旅祉！

崇致巴黎汪精衛四·十六·

頃接旅法華工許道生來函，謂：擬在法聯絡華工，使之團結，以爲將來返國効力之計；欲文與以一組織工業之委任等語。許之爲人如何，文未深悉。茲特將復函寄至兄處，請兄就近調查：如果係有智識，可以聯絡之人，宜善爲撫慰，以爲聯絡華工之助；否則，該函卽留兄處，不必給與之矣。望斟酌之，爲盼！此致，並頌
旅祉！

致香港鄧耀 代答四·十六·

寄來手書及公文一件，表冊四份，均經收到矣。足下招撫援鄂兩役，雖未竟其全功，然碩畫宏籌，良堪崇佩！方今南北和議停而復開，大局總有解決之一日。足下不憚以前經過之事實就湮，提請軍政府補行備案辦法，未始非宜；惟請中山先生另行電粵一層，容有未當。蓋中山先生爲軍政府總裁之一，羣以爲可者，中山先生當然表示贊成；若依足下所請者而行之，於理於法，皆不合也。專此布覆。順候
台祺！

致漳州楊仙逸四·十九·

昨接梅培君來函，藉悉足下已僭張君惠長由汕頭抵漳州矣。翹首南天，莫名馳系！足下對於飛機學問，研究素深；務望力展所長，羽翼粵軍，樹功前敵。方今南北和議雖繼續開會，而政局風雲變更靡定，援閩粵軍，關係於本黨之前途者甚鉅！得足下相助為理，定能日有起色也。此候

戎安！

致漳州陳炯明四·廿二。

逕啓者：茲有泗水同志楊君德麟來書謂：聞兄在閩竭力整頓民政，海外閩僑，異常感奮。而泗水一埠閩僑為數尤多，富商巨賈，居其多數；其中以漳泉福興籍為最。皆有意為故鄉謀進步發展。惟以從前閩省官吏多抑勒歸國華僑，以致聞風却步。此時兄能對歸國華僑竭力保護，助其振興實業，則必聯袂歸來；囑將此意轉達兄處，如表贊同，請委楊為荷屬華僑聯絡導回國振興實業委員，並給予回國開辦實業護照二十張，以便着手進行聯絡勸導等語。查楊君辦事素稱熱心，倘能由伊勸導華僑回籍，振興實業，於民政必有裨益。望酌委名義，逕函泗水明新書報社轉達以慰其熱心。為荷！此致并頌近祉！

致廣州田維綱

李夢庚 代答四·二十二。

頃中山先生接誦惠教，及吉黑國民呼籲書，敬悉。此件之應登報與否，均無不可。惟中山先生之意，以為登報之件，總以署有人名為宜；不然，眾必以匿名揭帖相視，反致不生効力也。特囑代為奉答。尚希鑒管，為荷！此頌議祺！

崇致施南柏文蔚四·廿二。